



KEMENTERIAN PENDIDIKAN MALAYSIA
MINISTRY OF EDUCATION MALAYSIA
LEMBAGA PEPERIKSAAN
EXAMINATIONS SYNDICATE
Aras 1,2,5-13, Blok E11, Kompleks E
Pusat Pentadbiran Kerajaan Persekutuan
62604 PUTRAJAYA
MALAYSIA

Tel: +603-8884 6000
Faks (Fax): +603-8889 5120
Laman Web (Web): <http://www.lp.moe.gov.my>

Ruj. Tuan :
Your Ref :

Ruj. Kami : KPM.100-1/3/1 Jld.7 (15)
Our Ref :

Tarikh : 23 Disember 2021
Date :

Semua Ketua Bahagian
Semua Pengarah Pendidikan Negeri

YBhg. Datuk/Dato'/Tuan/Puan,

SURAT PEKELILING IKHTISAS KEMENTERIAN PENDIDIKAN MALAYSIA BILANGAN 10 TAHUN 2021

PELAKSANAAN PENTAKSIRAN ALTERNATIF SEKOLAH MENENGAH BAGI MURID BERKEPERLUAN KHAS MULAI TAHUN 2021

TUJUAN

Surat Pekeliling Ikhtisas (SPI) ini bertujuan untuk memaklumkan berkenaan Pelaksanaan Pentaksiran Alternatif Sekolah Menengah (PASM) bagi Murid Berkeperluan Khas (MBK) Mulai Tahun 2021.

LATAR BELAKANG

2. Kementerian Pendidikan Malaysia (KPM) memperkenalkan PASM bagi mentaksir kebolehan dan membangunkan potensi MBK selaras dengan hasrat Pelan Pembangunan Pendidikan Malaysia (PPPM) 2013-2025, iaitu peningkatan akses dan ekuiti pendidikan bagi MBK. KPM juga telah menyediakan dan melaksanakan Kurikulum Standard Sekolah Menengah Pendidikan Khas (KSSMPK) khusus kepada MBK mulai tahun 2017.

3. Tujuan PASM ialah mengiktiraf kebolehan dan keupayaan MBK dengan penganugerahan Sijil Alternatif Sekolah Menengah (SASM). PASM dilaksanakan sepanjang tempoh calon berada pada peringkat menengah menggunakan *Environment-based Assessment Instrument* dan Dokumen Standard Pentaksiran Alternatif.

4. Mesyuarat Profesional KPM Bilangan 37/2021 bertarikh 2 November 2021 telah meluluskan pelaksanaan PASM bagi MBK pada peringkat sekolah menengah mulai tahun 2021. Seterusnya, Mesyuarat Jawatankuasa Kurikulum Kebangsaan Bilangan 1/2021 bertarikh 9 November 2021 mengambil maklum berhubung Instrumen PASM: *Environment-Based Assessment Instrument* dan Dokumen Standard Pentaksiran Alternatif mulai tahun 2021.

PELAKSANAAN

5. PASM terbuka kepada MBK yang berada di institusi pendidikan yang berdaftar dengan KPM. Walau bagaimanapun, calon PASM **tidak dibenarkan** mendaftar sebagai calon peperiksaan/pentaksiran lain seperti Pentaksiran Tingkatan 3 (PT3), peperiksaan Sijil Pelajaran Malaysia (SPM) atau Sijil Vokasional Malaysia (SVM) pada tahun yang sama.

6. Garis Panduan Pelaksanaan Pentaksiran Alternatif Sekolah Menengah bagi Murid Berkeperluan Khas pada Peringkat Sekolah Menengah Mulai Tahun 2021 yang disertakan bersama-sama SPI ini adalah sebagai rujukan dan perlu dipatuhi. SPI dan garis panduan ini boleh dimuat turun melalui laman sesawang KPM di pautan <https://www.moe.gov.my>.

TARIKH KUAT KUASA

7. SPI ini **berkuat kuasa serta merta** mulai tarikh SPI ini dikeluarkan.

TANGGUNGJAWAB KETUA JABATAN

8. YBhg. Datuk/Dato'/Tuan/Puan hendaklah mengambil tindakan dengan memaklumkan kandungan SPI ini kepada pegawai yang bertanggungjawab di bahagian KPM, jabatan pendidikan negeri, pejabat pendidikan daerah dan sekolah bawah pentadbiran YBhg. Datuk/Dato'/tuan/puan.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

Saya yang menjalankan amanah,



(DR. IBRAHIM BIN MOHAMED ZIN)

Timbalan Pengarah Peperiksaan Kanan
Menjalankan Tugas Pengarah Peperiksaan
Lembaga Peperiksaan
Kementerian Pendidikan Malaysia

- s.k.
1. YB Menteri Kanan Pendidikan
Kementerian Pendidikan Malaysia
 2. YB Timbalan Menteri Pendidikan I
Kementerian Pendidikan Malaysia
 3. YB Timbalan Menteri Pendidikan II
Kementerian Pendidikan Malaysia
 4. Ketua Setiausaha
Kementerian Pendidikan Malaysia
 5. Ketua Pengarah Pendidikan Malaysia
Kementerian Pendidikan Malaysia
 6. Semua Timbalan Ketua Setiausaha
Kementerian Pendidikan Malaysia
 7. Semua Timbalan Ketua Pengarah Pendidikan Malaysia
Kementerian Pendidikan Malaysia
 8. Penasihat Undang-Undang
Kementerian Pendidikan Malaysia